



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

20. Aliàs à Nobis &c. Prorogatur Sanctitatis suæ Constitutio de d. 27.
Septembris 1683. vid. supra p. 49. quæ ad sublevandas Ærarii Apostolici
angustias propter suppeditata Principibus Christianis in ...

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Derogatio
contrariis.

dinum Regularibus absolvi possint, decernimus & declaramus.

§. 8. Non obstantibus Constitutionibus, & Ordinationibus Apostolicis, privilegiis quoque, & indultis, sub quacunque verborum forma quomodolibet in contrarium concessis, confirmatis, & iteratis vicibus innovatis, præteritis consuetudinibus, sive potius corruptelis, contra omne jus fasque quomodolibet introductis, quas per præsentis improbamus, annullamus, cassamus, atque irritamus, cæterisque contrariis quibuscunque.

Publicari
mandatur.

§. 9. Ut autem præsentis ad notitiam omnium, & singulorum deducantur, eas valvis Ecclesiæ Sancti Joannis Lateranen. ac Basilicæ Principis Apostolorum de Urbe, & Cancellariæ Apostolicæ, ac in Acie Campi Floræ affigi mandamus, ut nullus possit exinde excusationem prætere, seu ignorantiam allegare.

Sanctio
pœnalis.

§. 10. Nulli ergo omnino hominum liceat hanc paginam Nostræ voluntatis, innovationis, confirmationis, approbationis, roboris, dispositionis, Decreti, executionis, mandati, declarationis, improbationis, annulationis, cassationis, & irritationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem anno Incarnationis Dominicæ millesimo sexcentesimo octuagesimo septimo, Quarto Idus Maji Pontificatus Nostri anno Undecimo.

D. 12. Maji
1687. Pont.
anno un-
decimo.

† Ego Innocentius Catholicæ Ecclesiæ Episcopus.
Ego Nicolaus Episcopus Ostiensis Card. Ludovisius Decanus.

Ego Alderanus Episcopus Portuensis Card. Cybo.

Ego Petrus Episcopus Tusculanus Card. Orthobonus.

Ego Carolus Episcopus Sabinensis Card. Pius.

Ego Flavius Episcopus Albanensis Card. Chisius.

Ego Carolus T. S. Laurentii in Lucina P. Card. Barberinus.

Ego Decius T. S. Prædix Presbyter Card. Azzolinus.

Ego Jacobus T. S. Mariæ de Pace P. Card. Franzonus.

Ego Palutius Tit. S. Mariæ Transyberim P. Card. de Alteriis S. R. E. Camerarius.

Loco † Plumbi.

J. G. CARD. SLUSTUS.

F. Datarius

Visa de Curia S. de Pilastris

D. Campinus.

Registrata in Secret. Brevium.

XX.

Prorogatur Sanctitatis Suae Constitutio de d. 27. Septembris 1683. vid. supra p. 49. quæ ad sublevandas Ararii Apostolici angustias propter suppeditata Principibus Christianis in bello Turcico subsidia tres integras decimas Cleri Italici & adjacentium Insularum redditibus imposuerat.

INNOCENTIUS EPISCOPUS.

Servus Servorum Dei, ad futuram rei memoriam.

Recense-
tur Con-
stitutio su-
per ejus-
modi deci-
marum
impositio-
nem alias
emanata.

§. I. Alias à Nobis emanarunt Litteræ tenoris subsequenti, videlicet. Innocentius Episcopus Servus Servorum Dei, Ad futuram rei memoriam. Cum ab ipso Nostri Pontificatus initio, ad quem Divina Clementia in altitudine divitiarum sapientiæ, & scientiæ suæ, Nos meritis licet impares evexit, malis undique afflictam, scissamque discordiis Christianorum Rempubliam videremus, ad Dominum in amaritudine cordis Nostri clamavimus, eumque deprecati sumus, ut secundum mul-

titudinem miserationum suarum redimeret Nos à malis, & non daret hereditatem suam in perditionem, & in opprobrium. Quod quidem postea eo ardentioribus votis efflagitavimus, quò rebus quotidie magis in deterius labentibus omnia periculis plena esse videbantur. Nam expugnatis jam ab effero Turcarum Tyranno Varadino, Neoselio, & Camenecio munitissimis Hungariæ, & Podoliz arcibus, & Cretæ Regno post diuturnum acerbissimumque bellum subactis, Germaniæ, atque ipsiusmet Italiæ cervicibus fœdissimæ servitutis jugum imminabat. Hæc inter vota, & curas Pastoralis Nostræ sollicitudinis terretimus hostis, atque in omnem occasionem rei benè gerendæ semper intentus, inhumanissimo, si unquam antea exercitu, ex omni Barbarorum colluvie comparato, ipsis rebellibus Hungaris deductis, Hungariam, Austriam, atque iis conterminas Provincias invasit, fœdæque sacra & profana omnia igne, ferroque popularis, ingenti quoque Christianorum multitudine in servitutem redacta, Viennam Germanici Imperii domicilium, & publicæ salutis propugnaculum arctissima oppugnatione est aggressus. Cum Charissimus in Christo Filius Noster Leopoldus Romanorum Rex in Imperatorem electus ingruenti subitæ tempestate nondum viribus par esset, & Charissimus in Christo Filius itidem Noster Joannes Poloniæ Rex illustis, magnique Ducatus Lithuaniz Magnus Dux, qui periculi propinquitate, & magnitudine, ac Nostris denique hortationibus excitus, fœdus cum Cæsare inierat, pluresque præclari ex Imperio Principes, & Ordines nondum instructi, paratique essent ad communem calamitatem repellendam. Nos igitur penè desperatâ, conclamataque Republicâ ad Dominum enixius confugientes, majores supplicationes per universam Ecclesiam indiximus, ut in jejuniis, & fletu audiret Deus, secundum magnam misericordiam suam gemitus compeditorum, & solveret filios interemptorum, averteret iram suam à Nobis, ipsamque immitteret in Gentes, & in Regna, quæ nomen suum non invocaverunt. Exaudivit Dominus preces populi sui, exurrexit, & dissipavit inimicos, piis fortissimisque Christianorum Principum copiis, in virtute ejus strenuè pugnantibus. Quâ sanè admirabili victoriâ, in quâ Christianus populus ab acerbissimâ servitute penè redemptus præsentem Dei dexteram in attritione cordis agnovit, uti potius, quam frui opus est, publicâ nondum securitate firmatâ, & Turcico Imperio inani mole suâ justum adhuc omnibus timorem incutiente; nec enim dubitandum videretur, quin ab infini hoste vindictæ cupido, & ob acceptam cladem furore percito bellum redintegrari quàm primum debeat. Nos quidem paternâ charitate Nostrâ publicam causam, & præclaros, Christianæque Religioni salutare fortissimorum Principum conatus juvare, ut par est, & proficere cupientes, in tantis Apostolicis Aerarii ob præstita jam à Nobis eidem Leopoldo, & Joanni Regi subsidia, angustis, ad Cleri Italici, & adjacentium Insularum redditus Prædecessorum Nostrorum vestigiis inhaerentes animum adicere cogimur. Maturâ igitur super hoc cum Venerabilibus Fratribus Nostris S. R. E. Cardinalibus deliberatione habitâ, de eorumdem consilio, & assensu indicimus, & imponimus tres integras decimas intrâ quinquennium, ut infra perfolvendas, omnium, & quorumcunque fructuum, reddituum, proventuum, jurium, obventionum, distributionum quotidianarum, & emolumentorum, ordinariorum, & extraordinariorum, in quacunque re consistentium, undecunque, quomodocunque & qualitercunque, etiam ex pede Altaris, aut alias quomodolibet, & quovis modo provenientium, & proventuum omnium, & quorumcunque Patriarchalium, Metropolitanarum, Cathedralium, Collegiarum, ac Parochialium, aliarumque Ecclesiarum, nec non Monasteriorum, & Conventuum, ac etiam Mensarum Patriarchalium, Archiepiscopaliû, Episcopaliû, Abbatialium, Capitularium, & Conventualium, Prioratuum quoque, Præpositurarum, Præceptoriarû, Canoniciatum, & Præbendarum, Dignitatum, Personarum

tuum, Administrationum, & Officiorum, Cappellaniarum, caeterorumque Beneficiorum, & bonorum Ecclesiasticorum, etiam Jurispatronatus Laicorum, tam ex privilegio, quam ex fundatione & dotacione, vel alio quocunque titulo, cum cura & sine cura Secularium, & quorumvis Ordinum Regularium in titulum, commendam, administrationem, aut alias quomodolibet obtentorum, & in posterum obtinendorum, Sancti quoque Benedicti, S. Augustini, Cluniacen. Cisterciens. Praemonstraten. S. Basilii, & qui proprietates, redditusque certos ex privilegio, vel alias possident mendicantium, ac quorumcunque aliorum Ordinum utriusque sexus, nec non Cassinen. alias S. Justinae de Padua, Carthusien. Lateranen. montis Oliveti, Camaldulen. S. Salvatoris Vallis Umbrosae, Coelestinorum, Cisterciens. In Longobardia, Silvestrinorum, ac Clericorum Regularium Societatis Jesu, aliarumque Congregationum, Societatum, & Institutum Regularium exemptorum, & non exemptorum; Et insuper Hospitalium, etiam pauperum hospitalitatem non exercentium, seu bona, & redditus ultra infirmorum necessitates, & alia pro quibus instituta sunt, pia officia exercenda possidentium, nec non Beatae Mariae Theutonicorum, S. Lazari de Alto passu, & aliarum Militiarum in universa Italia & Insulis Italiae adjacentibus consistentium, secundum verum annum valorem fructuum, reddituum, proventuum, & aliorum praefatorum, nisi aliter cum Sede & Camera Apostolica, & pro ea cum Dilecto Filio Nostro Palutio Tit. S. Chrysogoni Presbytero Cardinali de Alteriis nuncupato S. R. E. Camerario, nunc & pro tempore existenti fuerit concordatum. Exceptis dumtaxat ejusdem S. R. E. Cardinalibus ob assiduos, magnosque labores, quos Ecclesiae Universali impendunt, gravissimaque tuendae Dignitatis causa sustinent onera, & quia jam praeventive notabiles pecuniarum summas in memoratam causam contulerunt, ac Militibus S. Joannis Hierosolymitani, qui pro Christiani Orbis defensione adversus Turcas praefatos semper gerunt bella, nec non illis Parochialibus Ecclesiis, quae etiam computatis incertis, & aliis supra expressis triginta unius ducatorum auri de Camera cum uno quarto alterius ducati paris, illisve Beneficiis, quae computatis praefatis incertis, & distributionibus quotidianis septem ducatorum similitum valorem annum non excedunt, dummodò tamen Parochialium, seu Beneficiorum hujusmodi titulares, una cum illis alia Beneficia Ecclesiastica, five annuas pensiones valorem praedictum conjunctim excedentia non possideant, seu percipiant, quia tunc illos ad easdem decimas solvendas obligatos, & adstrictos esse declaramus. Ac etiam indicimus, & imponimus tres similes decimas omnium & quarumcunque pensionum annuarum, super quibusvis fructibus, redditibus, proventibus, juribus, obventionibus, emolumentis, & distributionibus supradictis, siue earum loco fructuum, reddituum, proventuum, obventionum, emolumentorum, & distributionum hujusmodi in favorem quorumcunque, non tamen Cardinalium, ac Militum S. Joannis Hierosolymitani praedictorum reservatarum, & assignatarum, seu translatarum, aut reservatarum & assignatarum, seu translatarum, ac reservandarum, & assignandarum, seu transferendarum, aut reservandarum & assignandarum, vel transferendarum percipiendas, exigendas, & levandas ab omnibus, & quibuscunque Patriarchis, Archiepiscopis, Episcopis, & aliis Ecclesiarum Praelatis, ac caeteris cujuscunque dignitatis, gradus, status, ordinis, Militiae, & conditionis personis, infra scripto quinquennio durante, praefata quocunque jure, & titulo obtinentibus, obrenturis, ac reservata, & assignata, seu translata habentibus, seu habituris, nec non Oeconomis, Administratoribus perpetuis & temporalibus, usufructuariis, ac fructus, pensiones, res & alia hujusmodi jura, ex quacunque causa sibi Apostolica auctoritate in toto vel in parte reservata, seu translata habentibus & habituris, Secularibus, & Regularibus Ordinibus,

Congregationum, Militiarum, & Hospitalium praefatorum, non tamen S. Joannis Hierosolymitani, nec non ab ipsis Ecclesiis, Capitulis, Conventibus, Ordinibus, Congregationibus, Collegiis, Hospitalibus, Militiis, mensis, massis, & locis quocunque privilegio, exemptione reali, personali, & mixta, antiqua, & immemorabili, pacifica, & continuata sussultis, quas omnes decimas praedictas solvere obligatos, ut praefatur, easdem inter quinquennium proximum, quinque aequalibus solutionibus, pro prima videlicet inter proximum diem festum Apparitionis S. Michaelis Archangeli mensis Maji proxime futuri, & successive pro reliquis quatuor solutionibus singulo quoque anno ratam partem intra festum hujusmodi cujuslibet anni immediate, usque ad totalem solutionem Camerae praedictae, & illius Depositario Generali ad id constituendo omnino volumus perfolvisse. Subcollectoribus autem decimarum hujusmodi extra Urbem Nostram, ut infra deputandis, ne ultra taxam competentis salarii in eorum deputationum Litteris patentibus designandam, etiam petere, vel praetendere, aut percipere audeant, specialiter, & expresse, ac sub poenis in contravenientes arbitrio ejusdem Sanctae Romanae Ecclesiae Camerarii infligendis, prohibemus. Eiusdem vero Depositarii munus erit sedulo curare, ut quicquid pecuniarum ex decimis colligetur, id diligenter, ac fideliter aservetur, de mandato Nostro speciali in praefatos usus duntaxat, nec alias erogandum. Quicunque vero adeo indurato corde, & ratione carens extiterit, quod non sit factus alieno periculo cantus, & tanta avaritia arserit, ut quod gratis ab Ecclesia accipit, particulam accepti eidem periclitanti reddere ceussaverit, decimas hujusmodi nullo modo, vel non integre scienter, aut non secundum verum annum valorem fructuum, reddituum, proventuum, jurium, obventionum, & emolumentorum, vel concordiam cum Sede, & Camera praedictis, ut praefatur, ineundam, siue in terminis constituendis non exhibuerit, seu in illorum exhibitione malitiam commiserit, vel fraudem, si Ecclesiarum Antistes fuerit, suspendimus à Divinis, Capitula vero, Conventus, Congregationes, Societates, & Collegia Ecclesiastica interdicto supponimus, ac singulares personas Antistites inferiores, excommunicationis sententia innodamus, ac in poenam privationis tam Beneficiorum, quam pensionum ipso facto incurrisse declaramus. Caeterum ad praedictas decimas consequendas, praecipimus etiam omnibus Conductoriis, Censuariis, & Affiduariis proprietatum, fructuum, rerum, & jurium praedictorum, etiam hujusmodi pensionibus oneratorum, ut memoratas decimas nomine Dominorum, ac Pensionariorum ad computum suae cujuscunque locationis, omnibus vero possessoribus, & usufructuariis, & aliis pensiones, seu fructus, aliaque praedicta solvere debentibus, ut ipsi etiam decimas pensionum hujusmodi nomine Pensionariorum, Camerae, & Depositario praedictis integre perfolvant. Decernentes decimas fructuum, reddituum, proventuum & aliorum jurium praedictorum secundum verum valorem annum, alias vero pensionum decimas ad eandem rationem trium decimarum durante dicto quinquennio, praestari debere, & secundum eam praedictos omnes in solidum cogi posse, ipsarumque decimarum Procuratores, siue Exactores à quibus libuerit integre exigendi optionem facultatemque habere, omnesque, & singulos pensionarios, quacunque auctoritate, dignitate, praeminentia perfulgeant, Cardinalibus, ac Militibus S. Joannis Hierosolymitani praefatis ob causas supra expressas tantum exceptis, ad ipsarum decimarum solutionem pro rata cujuslibet pensionis, teneri, & obligatos esse, neque ullum jus, & actionem, etiam in vim cujuscunque pacti, & conventionis, quantumvis ex causa onerosae, vel donationis, iuramenti, obligationis Cameralis, augmenti pensionis, & cujusvis alterius, quantumvis inexcogitatae cautela, & pactionis, etiam à Sede Apostolica in genere vel in specie atque individualiter cum illarum, & illorum inserto tenore approbatorum, & confirmatorum, ac forsan praefato

quin-

quinquennio durante approbandorum, & confirmandorum aliquid aliquando, ab his titularibus repetendi competere, sed ipsos Pensionarios, ad Decimarum hujusmodi solutionem pro ratâ suâ cujuslibet pensionis, præfato quinquennio durante teneri, ac per eos ad quos spectat, & pro tempore spectabit, cogi & compelli posse, seu debere. Omnes verò confessiones, ac quietantias receptionis decimarum à Procuratoribus, & Ministris Camerae prædictæ, tam Conductoribus, Censuariis, & Affictuariis nomine suorum principalium, quàm etiam ipsis, nec non possessoribus, usufructus solvere debentibus nomine pensionariorum faciendas perinde valere, atque in judicio, & extra illud ubique locorum fidem facere, ac si ipsi principalibus, & pensionariis præsentibus, & solventibus factæ, & exhibitæ fuissent. Conductores autem, qui pretium locationis Dominis legitime anticipaverint, locationem suam hujusmodi, quam quoad hoc prorogamus, usque ad integram satisfactionem, ut prius, etiam adveniente successore continuare debere. Sicque per quoscunque Judices ordinarios, & delegatos, etiam causarum Palatii Apostolici Auditores, & S. R. E. Cardinales, etiam de Latere Legatos, Vicelegatos, Sedifque Apostolicæ Nuncios in quavis instantiâ, sublatâ eis, & eorum cuilibet, quavis aliter judicandi, & interpretandi facultate, & auctoritate, ubique judicari & definiri debere, ac irritum, & inane quicquid secus super his à quoquam quavis auctoritate scienter vel ignoranter contigerit attentari, decernimus, & declaramus. Ut autem omnia prædicta, sicut causa urgens postulat, diligenter, & fideliter executioni demandentur, præfatum Palatium Cardinale Camerarium, cujus integritas, fides, atque experientia, notaque devotio jam pridem Nobis perspecta sunt, Generalem omnium decimarum prædictarum Collectorem in Italiâ, & Insulis illi adjacentibus hujusmodi, cum omnibus, & quibuscunque privilegiis, jurisdictionibus, quæ omnes alii ante hoc hujusmodi Collectores habuerunt, auctoritate prædictâ tenore præsentium constituimus, & deputamus, eique plenam, liberam, & absolutam facultatem, & auctoritatem tribuimus, omnes ipsas Decimas Camerae prædictæ nomine procurandi, prædictos omnes, tam conjunctim, quàm divisim, ad illarum integram solutionem, ut prædictum est, faciendam, etiam per edictum locis publicis assignandum monendi, & requirendi; non parentes, fraudantes, & ceteros contumaces in censuras, & penas prædictas incidisse, servatâ formâ Concilii Tridentini, declarandi, proprietates, res fructus, & alia bona ipsorum, etiam manu Regia apprehendendi, & usque ad condignam satisfactionem retinendi, contradictores, perturbatores, & rebelles quoscunque, eisque auxilium, consilium, vel favorem publicè, vel occultè, quovis quaesito colore præstantes, cujuscunque dignitatis, gradus, & ordinis fuerint, prædictis, aliisque censuris, & penis Ecclesiasticis, nec non pecuniariis, cæterisque juris, & facti remediis compellendi, illasque etiam iteratis vicibus aggravandi, dignitatibus, beneficiis, & officiis omnibus privandi, & amovendi, ad futurum inhabiles faciendi, interdictum Ecclesiasticum apponendi, auxiliumque brachii secularis quodocunque opus fuerit invocandi, illos verò, qui respuerint, ac debite satisfecerint, ab omnibus censuris, & penis supra dictis in forma Ecclesiæ consueta absolvendi, super irregularitate forsan incurfa, dummodò tamen in contemptum Clavium non celebraverint, dispensandi, & ad pristinum statum omnino restituendi. Præterea Collectores, & Subcollectores viros ubique providos, ac fide, & facultatibus locupletes, & solertes in omnibus Civitatibus, Terris, & Provinciis Italiæ, & Insularum illi adjacentium hujusmodi, quotquot viderit expedire, cum simili, vel limitatâ, non tamen absolvendi potestate, constituendi, eumque, vel eos ejus arbitrio revocandi, negligentes, & morosos removendi, ac alium, seu alios subrogandi, quotiescunque ei videbitur, ac ab eis eo-

rumque heredibus, & successoribus administrationis rationes exigendi, in delinquentes, & suspectos per se, vel alium, seu alios, etiam simpliciter, & de plano, ac sine strepitu, & figura judicii inquirendi, & meritis penis puniendi, modos, & formas in prædictis servandos præscribendi, dubia quæcunque in præmissis forsan oritura declarandi, ac prorsus omnia, & quæcunque circa ea necessaria, & opportuna faciendi, statuendi, & exequendi, etiam si talia forent, quæ mandatum exigent magis speciale quàm præsentibus est expressum; Eâ tamen conditione adjunctâ, quod Collectores, & Subcollectores deputandi, seu substituendi hujusmodi per deputationem, seu substitutionem, de eorum personis, ut præfertur, faciendam, nullo modo censeantur exempti à solutione trium decimarum prædictarum, quas ratione Ecclesiarum, Monasteriorum, Beneficiorum, seu Pensionum per eos obtentorum solvere debent. Non obstantibus fel. rec. præfatis Pauli III. ac Gregorii XIII. quibus inter alia cavetur, quod Clerici Regulares Societatis Jesu à solutione decimarum hujusmodi exempti esse debeant, ac B. Pii V. duodecim Congregationibus præfatis ex titulo oneroso partem exemptionum concedentis, & Bonifacii VIII. Romanorum Pontificum etiam Prædecessorum Nostrorum de unâ, & in Concilio generali editâ de duabus dietis, & aliis Apostolicis Constitutionibus, nec non Ecclesiarum, Monasteriorum, Prioratuum, Ordinum, Congregationum, Hospitalium, Militarum & locorum prædictorum, juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, ulibus, & naturis, nec non quibuscunque privilegiis, indultis, exemptionibus, etiam in corpore juris clausis, Immunitatibus & Litteris Apostolicis, Ordinibus, Congregationibus, Militiis, Monasteriis, Conventibus Regularibus, Locis, Capitulis, Dignitatibus, aliisque quibuscunque personis supradictis, tam Secularibus, quàm Regularibus generaliter vel specialiter, sub quacunque forma, & verborum expressione ab eadem Sede, etiam ex causa concordie, aut remunerationis laborum, vel titulo oneroso, aut aliâ ex quolibet alia causa, etiam hic non expressa, & necessariò exprimenda concessis, approbatis, & innovatis. Quibus omnibus & singulis, etiam si de illis eorumque totis tenoribus specialis, specifica, expressa, & individua, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi pro plenè & sufficienter expressis, & insertis habentes, illis aliâ in suo robore permanentibus, hac vice dumtaxat harum serie latissime, & plenissime, ac specialiter, & expressè pro hac pia causa derogamus, cæterisque contrariis quibuscunque. Seu si Prælati, & personis prædictis, eorumque Ecclesiis, & locis, vel quibuscunque aliis communiter aut divisim à præfata sit Sede indultum, quod interdicti, suspensi, vel excommunicati non possint, per Litteras Apostolicas non facientes plenam, & expressam, ac de verbo ad verbum de indulto hujusmodi, nec non personis eorumque nominibus & cognominibus, Ecclesiis, Monasteriis, & Ordinibus in locis hujusmodi mentionem, & quibuscunque aliis privilegiis, exemptionibus, immunitatibus, in genere, vel in specie, quodocunque concessis, confirmatis & innovatis, etiam solutionem decimarum, aliâ quàm secundum antiquam taxam, & nisi in universali decimarum per Orbem impositionibus, applicationibus, donationibus, obligationibus, juramentis, renunciationibus, vinculis & cautelis, in assignatione prædictarum pensionum factis, quibus per impositionem decimarum hujusmodi neminem teneri, neque eas quoad præmissa contra quemcunque locum habere similiter declaramus, aliisque indultis, & litteris Apostolicis generalibus, vel specialibus, cujuscunque tenoris existant, per quæ præsentibus non expressa, aut omnino non inserta, effectus earum impediri valeat quomodolibet.

liber, vel differri, & de quibus eorumque totis tenoribus habenda sit in Nostri Litteris mentio specialis. Quæ omnia contra præmissa nolumus cuiquam in aliquo suffragari. Nec non aliis huiusmodi impositionibus, & concessionibus ad tempus nondum elapsam, si quæ sint, factis, cæterisque contrariis quibuscunque. Ut verò subsidia huiusmodi magis prompta haberi possint, & decimas prædictas solvere debentes ad compositionem cum dictâ Camera Apostolica deveniendum per amplius invitentur, statuimus, & decernimus, quod si ante quinquennii prædicti terminationem decimarum solutio, ut infra, cessaverit, eadem Camera Apostolica ad restitutionem, & refectionem pecuniarum, ab eisdem decimis provenientium, illis qui, ut præfertur, cum ea concordaverint, faciendam, pro ratâ tamen temporis ante dicti quinquennii lapsam decursi, & summæ per eos solutæ omnino teneatur. Et insuper volumus, quod si favente Deo, causæ propter quas decimarum prædictarum impositio emanavit, ante quinquennium huiusmodi cessaverint, etiam decimarum huiusmodi solutio cesset, & cessasse censetur eo ipso. Insuper in percipiendis decimis prædictis, Constitutionem rec. mem. Clementis Papæ V. similiter Prædecessoris Nostri in Concilio Viennensi editam, quod decimæ ad monetam currentem communiter levari, nec Calices, libri, cæteraque Ecclesiarum ornamenta Divino cultui dicata ex causâ pignoris capi, percipi, vel distrahi, aut aliâ quomodolibet occupari debeant, ubique volumus observari. Quin etiam præcipimus, ne quisquam etiam plura quancunque valoris Beneficia Ecclesiastica, seu plures pensiones, aut fructus, seu talia mixtim obtinens pro Litterâ, & sigillo quietantiæ universalis, si illam habere voluerit, ultra unum Carolenum conficiendum quatenus triginta septem monetæ Romanæ solvere teneatur, nec ad aliud onus, etiam prætextu Cambii uspiam compellatur. Volumus autem, imò iubemus, quod decimæ præfatæ integrè tam hic in Urbe, quam extrâ, absque ullâ ratæ deductione, præterquam ratam competentis salarii in Subcollectorum in partibus deputandorum Litteris patentibus, ut præfertur, designandam, quæ summam quatuor pro centenariis non excedat, penes ejusdem Cameræ Apostolicæ Depositarium deponantur, non obstante quâcunque consuetudine in similibus impositionibus, & exactionibus, hætenus in favorem quarumcunque personarum, de quibus specialis, specifica, expressa & individua mentio faciendâ esset, tam ratione officiorum, quàm laborum, quamdam ratam ex eisdem decimis exactis percipiendi observatâ. Cæterum volentes, illos quos Dei timor à malo non revocat, saltem formidine pænæ, & publicâ disciplinâ compescere, omnes & singulos cujuscunque dignitatis, status, gradus, Ordinis, vel conditionis fuerint, etiam si Pontificali dignitate potiuntur, qui de huiusmodi exigendis decimis aliquid usurpare, seu subtrahere, aut sibi ratione Ecclesiarum, Monasteriorum, Beneficiorum, seu pensionum per eos obtentorum, ut præfertur, retinere, aut aliâs exigendo, colligendo, vel conservando fraudem, vel deceptionem aliquam committere malitiosè præsumpserint, suspendimus, nec non interdiciamus à Divinis, ac majoris excommunicationis, & etiam privationis Ecclesiarum, Monasteriorum, & Beneficiorum, quæ obtinent, & pensionum, quas percipiunt, nec non inhabilitatis ad illa, & alia in posterum obtinenda, sententias, censuras, & pœnas incurrere volumus ipso facto, ita ut ab eadem excommunicatione ab alio quàm Romano Pontifice, præterquam in mortis articulo, absolutionis beneficium nequeant obtinere. Quia verò difficile nimis esset præsentibus Litteras ad singula quæque loca, & quocunque illis opus fuerit perferre, volumus, ut illarum exemplis, etiam impressis, & Notarii publici manu subscriptis, & Palatii Cardinalis Camerarii præfati, seu alterius ab eodem deputati Collectoris, seu Prælati Ecclesiastici ejusque Curie sigillo obfignatis, eadem prorsus

fides in judicio, & extrâ illud ubique locorum adhibeatur, quæ ipsis præsentibus adhiberetur, si essent exhibitæ, vel offensæ. Ut autem præsentibus ad communem notitiam deducantur, eas valvis Ecclesiæ S. Joannis Lateranen. Basilicarum Principis Apostolorum, & S. Mariæ Majoris de Urbe, & Cancellariæ Apostolicæ affigi, seu appendi faciemus, quæ se suo quasi sonoro præconio, & patulo indicio publicabunt, ut ii, quos præmissa contingunt, quod ad ipsos non pervenerint aut ea ignoraverint, nullam possint exculationem prætere, seu ignorantiam allegare, cum non sit verisimile quoad ipsos remanere incognitum, quod tam patenter omnibus publicatur. Nulli ergo omnino hominum liceat hanc paginam indictionum, impositionum, suspensionis, suppositionis, innodationis, Decreti, concessionis, impertitionis, prorogationis, Constitutionis, deputationis, tributionis, declarationis, voluntatis, & præcepti Nostri infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri, ac Pauli Apostolorum ejus se noverit incursum. Datum Romæ apud S. Mariam Majorem, anno Incarnationis Dominicæ millesimo sexcentesimo octuagesimo tertio. Quinto Kal. Octobris, Pontificatus Nostri anno septimo.

§. 2. Nunc verò Nos pro eâ quam de totius Domini gregis divinitus Nobis crediti salutis præcipuum gerimus sollicitudinem, providè considerantes causas, propter quas tres integræ decimæ huiusmodi à Nobis, ut præfertur, impositæ fuerunt, adhuc perdurare, officii Nostri partes esse duximus in præfati rerum calamitoso statu impositionem decimarum huiusmodi modo, & formâ infra scriptis extendere & ampliare.

§. 3. Motu itaque proprio, & ex certâ scientiâ, ac maturâ deliberatione Nostri, deque Apostolicæ potestatis plenitudine, indictionem, & impositionem trium integrarum decimarum prædictarum, per Nos, ut præfertur, factas, Litterasque huiusmodi, cum omnibus, & singulis in eis contentis ad aliam unam similem integram decimam, & quatuor ex quinque partibus alterius decimæ, percipiendas, exigendas, & levandas, ab omnibus & singulis, in eisdem præfatis Litteris nominatis, quos omnes ad hoc obligatos, intra triennium proximum tribus aequalibus solutionibus, pro primâ videlicet intra proximum diem festum apparitionis S. Michaelis Archangeli mensis Maji anni proximi venturi 1689, & successive pro reliquis duabus solutionibus singulo quoque anno ratam partem infra festum huiusmodi cujuslibet anni immediatè usque ad totalem solutionem, servatâ aliâs in omnibus, & per omnia earumdem Nostrearum Litterarum formâ & tenore, omnino volumus perfolvisse, tenore præsentium indicimus, & imponimus.

§. 4. Non obstantibus omnibus illis, quæ in præfatis Nostri Litteris volumus non obstat, cæterisque contrariis quibuscunque.

§. 5. Volumus autem, ut ipsarum præsentium Litterarum transsumptis, seu exemplis, etiam impressis, manu alicujus Notarii publici subscriptis, & Palatii Camerarii Cardinalis prædicti, seu alterius ab eodem deputati Collectoris, vel Prælati Ecclesiastici, ejusque Curie sigillo obfignatis, eadem prorsus fides in judicio, & extrâ illud ab omnibus, & ubique adhibeatur, quæ ipsis præsentibus adhibetur, si forent exhibitæ, vel offensæ. Datum Romæ apud Sanctam Mariam Majorem sub Annulo Piscatoris die 25. Novembris 1688. Pontificatus Nostri anno decimo tertio.

Visa de Curia Ferdinandus Nuptius.

Loco † Plumbi.

J. F. ALBANUS.

D. Campianus.

Registrata in Secret. Brevium.

Causæ propter quas illæ decimæ impositæ fuerunt adhuc subsistunt.

Quamobrem impositio prorogatur.

Solutionis termini.

Derogatio contrariis.

Transsumptorum fides.

D. 25. Novembris 1688. P. A. decimo tertio.